

3 YOANE

Pepa Yoane ïngere muli ndo panzi kalo-tawana tamâta

Yesu ne pâri tamâta Yoane ïngere ñgua pinde panzi kalo-tawana tamâta ñgu (1-2 Yoane), aku zo pinde ilâ lâ, ñineña ïngere ñgua pinde kilo. ïngere ñgua ñine ku io ilâ pa ninambwe tonje, i ña tu Gaius. Gaius nde tamâta ñalae lâ kalo-tawana tamâta ñgu tonje, aku Yoane indekana i ñana kie ara iveta panzi kalo-tawana tamâta soka lombo simâ sipânña i ne lawea ñinde. Andeta Yoane iporo ñgua kaika ilelea tamâta tonje imo kunzi ñgu ñinde, i ña tu Diotrefes, ñana tu i ipu muli panzi tamâta lombo ku ipasuka tamwata tini.

¹ Naña amo kalo-tawana tamâta ñgu nenzi katonâña. Naña angere ñgua lâ pepa ñine tini imâ pa noko, Gaius. Noko nde naña ñingu-nambwe sondo, aku naña aporo mao nâ tu naña ilonju ndo keno pa noko.

² Niñgu-nambwe, naña ilonju tu vetâña rârâni noko uru kuveta ñinde ma ipânña sondo nâ. Aku naña ilonju tu pukonja kie-kie rârâni ma ïngeñge ñanano tona. Naña asama tu noko ne ilo-kalo tava ne kalo-tawana nde ikeno ara nâ.

³ Munña, ninda-nambwe pinde nde simâ ñana simora naña kâ, aku situla noko parina pa naña mine tu noko uru kupoño muli pa ñgua mao nâ. Kinzi siporo tu noko kupile vetâña mao ñinde tia

ndo. Naŋa aloŋo ŋgua mine, aku wisinŋu ara ndo.

⁴Lâ zo ndia naŋa aloŋo ŋgua tu naŋa natuŋgu uru sipono muli pa ŋgua mao nâ, ande ŋinde iveta iloŋgu ara ndo, aku ndekâŋa ŋinde ipole nanenŋu ndekâŋa pinde rârâni.

Gaius iveta wurâta ara

⁵Ninŋu-nambwe, noko uru kupono muli pa vetâŋa ara, aku uru kuveta kie ara ndo ŋana kuvilanzi kalo-tawana tamâta ŋinde soka lombo simâ pano. Noko muŋga kusamanzi tia, andeta kuveta kie ara nâ panzi.

⁶Tamâta ŋinde sitapâri panzi maka nema ŋgu ŋana noko ne tini-mwasa ŋinde kâ. Aku lâ zo ndia tamâta lombo mine situ soka nzalanzi kilo silâ kâ, ande ara ŋana noko ma kuvilanzi kilo ŋana kelekele pinde ŋana nenzi yokâŋa kâ. Maro Kindeni ilo pa vetâŋa mine.

⁷Muŋga, tamâta lombo ŋinde ilonzi tu siveta wurâta ŋana situla Yesu parina kâ, aku sipile warakanzi nenzi lawea ku silâ ŋana siveta mine kâ. Andeta kinzi sinonzi tinikoa pinde ŋana kelekele silanzi kâ, ande tia.

⁸Mine nde ara ŋana kindâ kalo-tawana tamâta ma tavilanzi tamâta ŋinde uru siveta wurâta pa Yesu. Ambo kindâ ma taveta mine, ande kindâ ma tapâŋga nenda wurâta taitu kunzi, ŋana tatula Maro Kindeni kawa ŋgua mao kâ.

Diotrefes uru iveta vetâŋa sakamao

⁹Naŋa muŋga angere ŋgua pinde lâ pepa tini imâ panzi tamâta lâ noko ne ŋgu. Andeta

Diotrefes itu i ma ipânnga tamâta mbâna-mbâna panzi, aku ipu muli pa maka nema ngua njinde.

¹⁰ Mine kala ambo naŋa ma amâ amo kumi, ande naŋa ma aporo pwataki ŋana mâsi njinde i uru iveta. I uru iporo ngua nao-muli wa ngua soki-soki rârâ ŋana maka kâ. Andeta njinde nâ tia; i tini pwâka tu ikainzi kalo-tawana tamâta soka lombo njinde ku ionzi lâ i ne luma ilo. Aku lâ zo ndia tamâta pinde sikainzi lombo njinde ŋana sionzi lâ warakanzi nenzi luma ilo, ande i uru isilikananzi kaika, aku inŋaranzi piti lâ ngu njinde.

Demitrius uru iveta vetâŋa ara

¹¹ Niŋgu-nambwe, noko ma kupaveta kuku mâsi sakamao mine ndimo. Ara ŋana noko ma kupaveta kuku vetâŋa ara nâ. Tamâta ea kinzi uru sipaveta kuku vetâŋa ara, ande kinzi simo Maro Kindeni natu wukale. Anŋa tamâta ea kinzi uru sipaveta kuku vetâŋa sakamao, kinzi njinde sisama Maro Kindeni kilala, ande tia.

¹² Tamâta rârâni uru situ Demitrius parina tu i nde tamâta ara ndo. Aku i tamwata ne vetâŋa itula pwataki tu ngua njinde nde mao nâ. Aku maka kala katula ngua pwataki ŋana i ne vetâŋa ara njinde kâ, aku miki kasama tu maka uru kaporo ngua mao nâ.

Katonâŋa ilo ndo tu ma imora Gaius

¹³ Naŋa ilonŋu tu anŋere ngua rârâ imâ pano, andeta tiniŋgu pwâka tu ao ngua njinde lâ pepa tini.

¹⁴ Naŋa ilonŋu tu amâ amora noko walele nâ, aku lâ zo ŋinde kinda rua ma taporo wa tapaloŋo wa.

¹⁵ Wisi-pisi imâ pano. Ninda-nambwe lâ maka nema ŋgu ŋine nde kawanzi kari ara pano. Aku ara ŋana noko kala ma kuporo wisi-ara ne ŋgua mine nâ ilâ panzi ninda-nambwe taitu-taitu simo lâ noko ne ŋgu ŋinde.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de